

TIROLSKA DEKLARACIJA
o najboljoj praksi u planinskim sportovima 01.10.2002.

Tirolska deklaracija o planinskim sportovima

U prošlosti je zajednica planinara i penjača bila manja i tjesno povezana, tako da je bilo vrlo jednostavno diskutirati o etici, pravilima ponašanja i mjerilima za vrjednovanje uspona. Danas, broj ljudi koji se bave različitim planinskim sportovima brzo raste. Putovanja sa kontinenta na kontinent su sve jednostavnija i primjenjuje ih mnogo više ljudi nego prije 10 godina. Tradicionalni način prenošenja vrijednosti planinarstva i alpinizma na mlade se već pokazao. Zato je nužno da uobičimo i zapишemo naše zajedničke vrijednosti, etiku i mjerila. Samo tako ćemo u planinama sačuvati ono što nam svima mnogo znači.

Doug Scott

Tirolska deklaracija - uvodna napomena

Sa temom „Budućnost planinskih sportova“ organiziran je skup u okviru manifestacije međunarodne godine planina od 6. do 8. rujna 2002. u Innsbrucku. Skup su organizirali zajedno austrijski i njemački planinarski savez i tirolska pokrajinska vlada, a suorganizator je bila međunarodna planinarska organizacija UIAA. Među govornicima su bila i najveća imena iz svijeta alpinizma: Doug Scott, Chris Bonnington, Tom Frost, Alex Huber, Reinhold Messner, Marko Prezelj, Lyn Hill... Na kraju skupa su predstavnici planinarskih udruženja iz raznih krajeva svijeta, potpisali „Tiolsku deklaraciju“ – dokument koji predstavlja temelj etičnog ponašanja i mjerilo za vrjednovanje sportskih dostignuća u planinama.

U svijetu se planinarenjem, sportskim penjanjem, alpinizmom, trekkingom i turnim skijanjem bave milioni ljudi. U mnogim državama su planinske aktivnosti značajan sastavni dio života.

Malo koja aktivnost se temelji na tolikom broju različitih motiva i ciljeva kao planinarenje.

Planinarenje, u svojim različitim oblicima, ljudima omogućava da dostignu krajnje granice svojih mogućnosti, a s druge strane predstavlja jedinstven način rekreativne, obogaćuje naš život i čini nas sretnijim. Motivi za odlazak u planine i penjanje su veoma različiti: od čisto zdravstvenih i kondicijskih, preko čistog uživanja u pokretima, kontakta s prirodom i ljudima, do potrage za avanturom, odlaska u nepoznato i otkrivanje novoga. Ova deklaracija, koju su na zasjedanju u Innsbrucku potpisali najugledniji predstavnici planinarstva iz raznih zemalja, sadrži niz etičkih načela i mjerila vrijednosti koje postavljaju temelj dobrom ponašanju u planinama u 21. vijeku. Tiolska deklaracija nije pravilnik niti skup instrukcija već:

- utvrđuje osnovne vrijednosti planinarenja i planinskih sportova
- utvrđuje načela i mjerila vrijednosti u planinama
- utvrđuje etička mjerila za postupanje u kritičnim situacijama
- utvrđuje etička načela i mjerila po kojima javnost ocjenjuje i kritizira postupke planinara i alpinista u planinama
- služi najprije mladima da spoznaju vrijednosti planinarenja

Jedan od ciljeva Tiolske deklaracije je da upozna javnost sa ljudima koji odlaze u planine i stijene i pokaže kakve čudesne mogućnosti nude planine i planinske aktivnosti za lično duhovno uzdizanje, lijepo doživljaje i dostizanje ličnih ciljeva, a s druge strane za upoznavanje i poštovanje drugih

planinara, drugih kultura i iznad svega prirode.

Tirolska deklaracija nije nastala preko noći. Oblikovana tako da odgovara suvremenom čovjeku, shvaćanjima i načinu života, ona predstavlja zapis etičkih načela i vrijednosti na kojima se zasniva planinarska kultura i navodi mnoga nepisana pravila na kojima se već dugo temelji ponašanje planinara. Neke tačke Tirolske deklaracije se odnose na aktivnosti vrhunskih alpinista koji teže ka ekstremnim podvizima i dostignućima, ali je većina njenog sadržaja namijenjena upravo svima koji idu u planine. Načela Tirolske deklaracije važe za sve – za šetače, planinare, trekere, penjače, alpiniste i turne skijaše, nezavisno od nacionalnosti, vjere ili individualnih sposobnosti.

Pomjerite svoje granice, produhovite se i krenite ka vrhu!

Tirolska deklaracija je poziv svima koji idu u planine:

- da prihvate rizik i time odgovornost za svoje postupke
- da usklade svoje ciljeve sa svojim mogućnostima i opremom
- da postupaju časno i o svojim dostignućima izvještavaju pošteno
- da nastoje da se pravilno ponašaju u svim situacijama i da nikada ne prestanu da uče
- da budu tolerantni, promišljeni i da se pomažu međusobno
- da poštuju i štite netaknutu prirodu planina i stijena
- da podrže lokalno stanovništvo u njegovoj težnji za istražnošću, razvoju i boljim životom

Tirolska deklaracija se zasniva na sljedećim vrijednostima:

- Ljudsko dostojanstvo – Kao ljudi se rađamo slobodni, s istim pravima. Prema svim ljudima treba da se ponašamo u duhu bratstva. To posebno važi za odnose među polovima.
- Život, sloboda i sreća su osnovna prava svakog čovjeka. Dužnost svih koji idu u planine je da drugima priznaju pravo na život, slobodu i sreću, te da se trude da zaštite ta prava lokalnog stanovništva u planinskim oblastima.
- Nedodirljivost prirode – Zaštita prirode spada u osnovne vrijednosti planinarenja. Kao planinari smo obvezani da zaštitimo ekološku vrijednost i prirodne osobine planina i stijena širom svijeta. To znači da moramo zaštititi ugrožene vrste flore i faune, njihove ekosisteme i biotope.
- Solidarnost – Planinske aktivnosti omogućuju spoznaju sebe i ljudi oko sebe, kao i prijateljstvo, međusobno djelovanje i pomoć nezavisno od pola, starosti, nacionalnosti, individualnih sposobnosti, društvenog statusa, vjere ili opredjeljenja.
- Samospoznaja i samoaktuelizacija – Planinarenje i planinski sportovi omogućuju svakoj osobi da spozna sebe samu, svoje sposobnosti i mogućnosti, da dostigne postavljene ciljeve i širi svoje vidike.
- Istina – Potraga za Istinom je jedna od najljepših osobina planinara i uvjet za vrednovanje dostignuća ljudi i tima. Bez potpunog istinoljublja je vrjednovanje dostignuća u planinama nemoguće.
- Kvaliteta Planinske aktivnosti omogućuju da čovjek razvije svoje sposobnosti do krajnjih granica i ostvari ciljeve koji možda nekima izgledaju nedostizni. Težnja ka savršenstvu i traženje novih granica je pravo svakoga tko se bavi planinskim sportovima.
- Avantura – Planinski sportovi nisu bezopasni! Rizik lako smanjujemo do određene mjere razumnim rasuđivanjem i procjenama, vještinama i ličnom odgovornošću. Raznolikost planinskih aktivnosti omogućuje svakome da se upusti u avanturu prema svojim mogućnostima.

Članak 1 - Osobna odgovornost

Tirolska deklaracija
(Članovi i preporuke)

Planinari i alpinisti se bave sportom u prirodi, gdje pomoć u slučaju nezgode može biti nedostupna. Imajući to u vidu, oni vrše uspone kojima su dorasli i svjesni su da:

- svoju sigurnost moraju sami sebi da omogućiti
- se bave ovom aktivnošću na vlastitu odgovornost
- svojim postupcima ne smiju ugrožavati sigurnost drugih ljudi ili prirode

1. Svoje ciljeve birajmo prema svojim mogućnostima i mogućnostima drugih članova ekipe s kojima smo u planini kao i prema uvjetima na terenu. Odustajanje od uspona nekad može biti prava odluka.
2. Pred uspon treba da se uvjerimo da li smo dovoljno spremni za naš cilj, da li smo pažljivo proučili i isplanirali uspon i da li smo prostudirali sve mogućnosti.
3. Za uspon moramo imati svu potrebnu opremu i moramo znati kako se ona koristi.

Članak 2 - Timski duh

Pojedinci u planinarskoj ili alpinističkoj grupi moraju biti spremni da se prilagode potrebama svog tima i moraju svoje lične ciljeve podrediti sposobnostima svih članova tima.

1. Svaki član ekipe mora voditi računa i o drugima i preuzeti dio odgovornosti za svoju sigurnost i sigurnost ostalih članova grupe.
2. Ni jednog člana ekipe ne smijemo ostaviti samog ako se time riskira njegovo zdravstveno stanje.

Članak 3 - Solidarnost alpinista i planinara

Svakome koga srećemo u planinama ili stijenama smo dužni da ukažemo jednako poštovanje. Ni u najvećoj divljini ni u stresnim situacijama ne smijemo zaboraviti da druge planinare moramo tretirati onako kako bismo željeli da drugi nas tretiraju.

1. Činimo sve što je u našoj moći da druge ne bismo doveli u opasnost i upozorimo druge o potencijalnim opasnostima.
2. Pobrinimo se da u planinama nitko ne bude diskriminiran ili zapostavljen.
3. Kao posjetioci planina, poštujmo pravila lokalnog stanovništva i planinara.
4. Pobrinimo se da što manje ometamo druge planinare ili alpiniste. Onima koji su brži od nas, ljubazno dozvolimo da nas preteknu. Ne zadržavajmo se predugo u penjačkim smjerovima ako na uspon kroz njih čekaju i drugi.
5. Naši izvještaji o izvršenim usponima i ispenjanim smjerovima moraju biti pouzdani i istiniti.

Članak 4 - Posjete drugim zemljama

Nikako ne smijemo zaboraviti da smo u drugim državama gosti. Prema domaćem stanovništvu ponašajmo se s poštovanjem, poštujmo njihove savjete oblasti i nedodirljivost njihovih svetih planina. Potrudimo se da naša posjeta bude od koristi lokalnom stanovništvu i korak ka njihovom boljem životu. Upoznavanje i razumijevanje tuđih kultura i načina života je važan dio planinarskog i alpinističkog iskustva u inostranstvu.

1. Prema domaćinima se ponašajmo ljubazno, uljudno i s poštovanjem.
2. Poštujmo sve zabrane penjanja na određene vrhove i po određenim stijenama koje važe u toj državi.
3. Preporučljivo je da se prije posjete drugoj državi upoznamo sa njenom poviješću, društvom, kulturom, političkom strukturom, umjetnošću i vjerom. Na taj način ćemo bolje razumjeti domaće stanovništvo i njihove planine. U slučaju da dođe do političkih nemira, poštujmo zvanična saopštenja.
4. Veoma je poželjno da poznajemo tuđi jezik barem na nivou osnovne komunikacije: pozdrave, zahvaljivanje, nazine dana u sedmici, brojeve... Zapanjujuće je vidjeti kako ovo malo zalaganje poboljšava kvaliteta komunikacije. Time doprinosimo boljem razumijevanju među različitim narodima i kulturama.
5. Nikad ne propustimo priliku da svoje penjačko i planinarsko znanje podijelimo sa domaćinima ako ih to interesira. Pridružiti se domaćoj ekspediciji je najbolji način za razmjenu iskustava.
6. Po svaku cijenu izbjegavajmo da povrijedimo vjerska osjećanja koje gaji lokalno stanovništvo. Na primjer, ne treba svojim oblačenjem da kršimo norme ponašanja u tuđoj zemlji. Ako neke od normi i ne razumijemo, ponašajmo se tolerantno i s poštovanjem.
7. Trudimo se koliko možemo da pomognemo domaćinu ukoliko mu je pomoći potrebna. Često je ljekar ekspedicije u prilici da pomogne akutno oboljeloj osobi.
8. Da bismo pomogli razvoj planinarske djelatnosti u pojedinim oblastima, kupujmo njihove lokalne proizvode i angažiramo lokalne planinske vodiče i pomoćnike.
9. Ako je moguće, pomozimo domaćem stanovništvu da razvije različite djelatnosti koje će doprinijeti njegovom trajnom razvoju i boljem životu.

Članak 5 - Odgovornost planinskih vodiča i vođa planinarskih grupa

Svaki profesionalni planinski vodič i svaki vođa planinarskih grupa mora znati i razumjeti svoju ulogu i odgovornost kao i prava i slobodu drugih grupa i pojedinaca. Vodiči moraju biti sposobni za svoje dužnosti, moraju poznavati zahtjevnost ture koju vode, opasnosti i rizik u planini, moraju imati dovoljno iskustva i moraju vladati svim potrebnim vještinama, moraju imati svu potrebnu opremu, stalno provjeravati stanje u planini i vremenske uvjete.

1. Gorski vodič ili vođa grupe mora upozoriti sve članove o objektivnim opasnostima na planini. Ako su članovi grupe dovoljno iskusni treba uzeti u obzir njihovo mišljenje prilikom donošenja odluke.
2. Izabrana tura ili smjer moraju biti primjereni sposobnostima grupe tako da svi mogu lako napredovati i uživati.
3. Vodič ne smije okljevati ukoliko planirana tura prekoračuje njegove mogućnosti – bez odlaganja mora uputiti klijente drugom vodiču boljem od sebe i nikako ne smije kriti svoje slabosti. Svi članovi grupe moraju upozoriti ostale ako misle da je rizik na usponu prevelik i da treba promjeniti prvobitni plan.
4. Prilikom zahtjevnih visokogorskih uspona, što se odnosi na uspone na visoke vrhove Himalaja i drugih visokih planina, vodič mora pred uspon provjeriti da li su članovi grupe, kada im je pomoći drugih nedostupna, sposobni da samostalno riješe problem ukoliko su težine na usponu veće od očekivanih. Vodič mora upozoriti članove grupe da je njegova pomoći na tako zahtjevnim turama i usponima vrlo ograničena.

5. Domaći vodiči su dužni da surađuju sa kolegama koji dolaze iz drugih oblasti i da ih obavijeste o lokalnim specifičnostima, opasnostima i trenutnom stanju na terenu.

Članak 6 - Nepredvidljive okolnosti, smrt i umiranje

Da bismo pravilno reagirali u slučaju nesreće, teških povreda ili smrti partnera u navezi ili člana grupe, moramo jasno znati rizik i zahtjevnost svoje djelatnosti. Moramo biti spremni, sposobni i opremljeni za pomoć partneru i u najtežim situacijama. Svaki član planinarske ili alpinističke grupe mora biti spremna da pomogne drugima, a u slučaju nesreće da bude spremna da se suoči sa posljedicama tragičnog događaja.

1. Pomoć unesrećenim planinarima mora imati absolutnu prednost u odnosu na dostizanje osobnih, ranije zacrtanih ciljeva. Spašavanje života ili ublažavanje posljedica povrede partnera u navezi ili člana grupe je neusporedivo dragocjenije od penjanja vrha ili smjeri.
2. Ukoliko pomoć sa strane nije dostupna prilikom nesreće, a mi smo u prilici da pomognemo, treba da pružimo pomoć povrijeđenom sve dok time ne ugrožavamo i vlastitu sigurnost.
3. Teško povrijeđenoj osobi ili osobi koja umire, smo dužni da ponudimo svu pomoć i udobnost, smanjimo bol i pokušamo da je održimo u životu.
4. U slučaju da dođe do smrti na zabačenim mjestima, odakle tijelo pokojnika nije moguće transportirati u dolinu, potrebno je sastaviti točan zapis o tragičnom događaju, lokaciji tijela i identifikaciji pokojnika kao i o okolnostima pod kojima je došlo do smrti.
5. Osobne stvari pokojnika kao što su lični dokumenti, fotoaparat ili kamera, dnevnik, fotografije, pisma i sl. treba zaštititi i predati rodbini pokojnika.
6. U slučaju smrti nije dozvoljeno javno objaviti fotografije pokojnika bez suglasnosti pokojnikove obitelji.

Članak 7 - Pristup i zaštita priroda

Vjerujemo da je odgovorno kretanje po planinama i stijenama pravo svakog čovjeka. Svojom djelatnošću se moramo baviti na takav način da ne ugrožavamo prirodu oko sebe i moramo aktivno voditi računa o zaštiti prirode. Poštujmo zabrane kretanja i penjanja u oblastima pod zaštitom u dogovoru sa organizacijama koje se bave očuvanjem prirode.

1. Poštujmo pravila ponašanja u planinama i stijenama koja omogućavaju život biljnih i životinjskih vrsta u njima. Upozorimo i ostale planinare da postupe isto. Izbjegavajmo da pravimo buku i na taj način smanjimo štetni utjecaj na život flore i faune.
2. Ako je moguće, koristimo javni prijevoz ili minimalni broj vozila u dogovoru sa ostalim članovima grupe kako bismo minimizirali saobraćaj na putevima.
3. Da bismo izbjegli eroziju zemljišta i uznenmiravanje biljnih i životinjskih vrsta, trudimo se da na pristupu smjeru i silazu koristimo već formirane staze. Ako nema puta, izaberimo stazu tako da najmanje štetimo okolini.
4. U sezoni parenja i gniježđenja poštujmo zabrane koje za određena planinska područja izriču organizacije za očuvanje prirode. O zabranama obavijestimo i druge planinare i savjetujmo ih da poštuju pravila.

5. Kada se odlučimo za prvenstveni uspon ili pristup u nepoznatim predjelima, pazimo da ne ugrozimo biotope i rijetke vrste flore i faune.
6. Pri pravljenju novih staza ili prilikom produžavanja postojećih kao i prilikom opremanja penjačkih smjerova smo dužni da učinimo sve da što manje narušavamo prirodu. Svako spitanje klasičnih smjeri treba vrlo pažljivo odmjeriti.
7. Pri postavljanju osiguranja, trudimo se da ne oštetimo stijenu.
8. U dolinu odnesimo, ne samo svoje otpatke već i one koje su u prirodi za sobom ostavili drugi.
9. Tamo gdje nema uređenih sanitarija, tjelesne potrebe obavljajmo na mjestima koja su dovoljno udaljena od kampova, izvora, potoka, rijeke, jezera i to učinimo tako da najmanje ugrozimo ekosistem. Izbjegavajmo da radimo nešto što bi smetalo drugim ljudima ili njihovim osjećajima za estetiku. U oblastima koje su vrlo posjećene, a u kojima se organske materije sporo razgrađuju, na primer u baznim kampovima i na glečerima, svoje otpatke i fekalije pokupimo i odnesimo sa sobom u dolinu.
10. Pobrinimo se da prostor na kojem se održavao tabor ostane čist. Za odlaganje otpadaka uredimo poseban prostor koji omogućava da kasnije sve otpatke lako ponesemo sa sobom. Sva penjačka oprema – fiksna užad, boce s kisikom, šatori i ostala oprema, moraju biti odstranjeni s planine nakon završetka akcije.
11. Pažljivo trošimo energetske izvore. Naročito u zemljama sa malo šuma, izbjegavajmo djelatnosti koje bi povećale potrebu za sjećom i paljenjem drva. U oblastima gdje su šume ugrožene moramo imati sa sobom dovoljno drugog goriva da opskrbimo sve članove grupe uključujući i domaće vodiče i pomoćnike bez da siječemo i palimo drva iz okoline.
12. Treba izbjegavati helioturizam tamo gdje time ugrožavamo prirodnu ili kulturnu baštinu.
13. Ako dođe do konflikta u pogledu pristupa pojedinim oblastima, moraju se svi zainteresirani – vlasnici zemljišta, zvanične ustanove, društvo – posavjetovati i potražiti zajednički dogovor prihvatljiv za sve.
14. Aktivno učestvujmo u ostvarenju takvih dogovora tako što ćemo se potruditi da dogovor objavimo u javnosti i postavimo potrebnu obavještajnu i interpretacijsku infrastrukturu.
15. Kao ljudi i kao članovi planinarskih društava i drugih organizacija se na političkom planu aktivno zalažimo za očuvanje prirode.

Članak 8 - Stil

Kvalitetno planinarsko iskustvo koje stječemo i način na koji rješavamo neki problem važniji su od toga da li smo ga riješili ili ne. Trudimo se da ne ostavimo za sobom trag da smo bili na planini.

1. Cilj je da sačuvamo originalni karakter svih uspona, a naročito onih sa velikim povijesnim značajem. To znači da penjači ne treba da povećavaju broj fiksnih užadi i klinova na postojećim rutama. Izuzetak je ako se postigne lokalni konsenzus, uključujući i suglasnost prvih penjača, da se promjeni nivo fiksne zaštite stavljanjem nove opreme ili otklanjanjem postojeće.
2. Poštujmo razlike u tradiciji među regijama. Ne smijemo nametati našu tačku gledišta drugim penjačkim kulturama niti treba da prihvaćamo nametanje tuđih.

3. Stijene i planine su ograničeni resurs za avanturu koji treba da dijele mnogi penjači različitih interesa i mnoge generacije koje tek treba da dođu. Treba da shvatimo da će buduće generacije tražiti nove pobude i motive za avanturu na istim tim ograničenim resursima. Treba da se ophodimo prema stijenama i planinama na način na koji nećemo smanjiti mogućnosti resursa u budućnosti.
4. U regijama gdje su spitovi dopušteni, poželjno je čistiti rute, dijelove penjališta ili cijela penjališta od spitova da bi se sačuvale mogućnosti za avanturu u budućnosti i da bi se pokazalo poštovanje prema tuđim penjačkim interesima.
5. Korištenje prirodnih osiguranja može biti jednako zabavno rekreativcima kao i korištenje spitova. Penjači treba da nauče da koriste prirodna osiguranja i treba da budu svjesni da to osigurava dodatnu avanturu i iskustvo bez smanjenja sigurnosti.
6. U slučaju sukoba interesa među članovima grupe, penjači treba da riješe problem dijalogom i na taj način ne ugroze uspjeh tima.
7. Komercijalni pritisak ne smije nikada da utiče na etiku penjača.
8. Dobar stil na visokim planinama implicira nekorištenje fiksne užadi, uzimanje dopinga ili boca sa dodatnim kisikom.

Članak 9 - Prvenstveni usponi

Prvenstveni uspon u planini je kreativan posao. Prvenstveni uspon mora biti izvršen tako da poštuje lokalne penjače, tradiciju i način penjanja u toj oblasti, a ni u čemu ne smije ugrožavati vrijednost ni potrebe budućih generacija alpinista i penjača.

1. Prvenstveni usponi moraju biti izvedeni na, prema prirodi pošten način i u skladu sa lokalnom penjačkom tradicijom, željama vlasnika zemljišta i duhovnim vrijednostima domaćina.
2. Ne narušavajmo stijenu klesanjem ili dodavanjem novih hватова.
3. U planinama mora biti prvenstveni uspon izvršen bez "top rope" osiguravanja ili prethodnog opremanja smjera spuštanjem odozgo niz uže već samo vođenjem od podnožja do vrha smjera.
4. Nakon poštovanja svih lokalnih tradicija, na autorima prvenstvenih uspona je da odrede nivo fiksne zaštite – užadi, klinova i sl. poštujući član 8 deklaracije.
5. U oblastima pod zaštitom, u divljim predjelima ili u prirodnim rezervatima treba upotrebu spitova minimizirati.
6. Bušenje stijene i stavljanje spitova treba minimalno koristiti u prvenstvenim usponima u kojima ima tehničkog penjanja. Spitovi treba da se izbjegavaju čak i na sidrištima osim ako nije absolutno neophodno za sigurnost penjača.
7. Alpinističke smjeri treba ostaviti u prirodnom stanju, koristeći samo prirodna osiguranja gdje god je moguće i koristeći spitove samo kada je neophodno i u skladu sa lokalnom tradicijom.
8. Treba poštovati samostalnost smjeri koje se nalaze u blizini i smjeri s kojima naša prvenstvena smjer dijeli zajednički dio.
9. O izvršenom prvenstvenom usponu treba izvještavati detaljno i pravilno. Podrazumijeva se iskrenost penjača dok se ne dokaže suprotno.

10. Visoke planine su ograničeni resurs – posebno u najvišim planinama se zalažimo da koristimo najkvalitetniji stil penjanja.

Članak 10 - Oglašavanje, sponsorstvo i odnos javnošću

Odnos između sportaša i njihovih sponzora mora biti profesionalan i mora garantirati najbolje uvjete za odgovoran odnos prema planinskim sportovima. Svaki sportaš koji se bavi planinskim sportovima je dužan da se o svojim uspjesima istinito oglašava u javnosti i medijima.

1. Sportaš i sponzor moraju postići dogovor o zajedničkom cilju. Raznolikost planinskih sportova zahtjeva vrlo jasnu identifikaciju specifičnog iskustva i sportaše i sponzora da bi se postigli najbolji uvjeti za ostvarenje obostranog cilja.
2. Da bi penjači i vrhunski alpinisti stalno bili spremni i da bi napredovali moraju imati garantiranu stalnu pomoć pokrovitelja. Zato je vrlo važno da sponzor sportaši ne okrene leđa i da ga ne ostavi na cjedilu čak i nakon niza neuspjeha. Ni pod kojim okolnostima, sponzor ne smije vršiti pritisak na penjača u ispunjavanju cilja.
3. Da bi sportašima garantirali stalnu prisutnost u medijima, treba uspostaviti čist način komuniciranja i zadržati ga.
4. Penjači i alpinisti su dužni da o svojim uspjesima izvještavaju istinito i objektivno. Iskreno i točno izvještavanje ne doprinosi samo ugledu penjača već ugledu planinskih sportova u javnosti.
5. Vrhunski penjači i alpinisti su dužni da putem svojih veza sa javnošću, medijima i sponzorima uvijek i svuda zastupaju etiku, stil, odgovornost prema prirodi i društvu u skladu sa Tirolskom deklaracijom.

[http://www.theuiaa.org/upload_area/files/1/tyrol_decla-ration\(0\).pdf](http://www.theuiaa.org/upload_area/files/1/tyrol_decla-ration(0).pdf)